

ITLF BULLETIN

A Publication of ITLF Media & Publicity Department

VOLUME I-ISSUE NO 28

INDIGENOUS TRIBAL LEADERS' FORUM

THURSDAY 6 JULY 2023

Hotuhai Delhi ah an in zin

Central government in ei ram bouina le inzawmin ei hotuhai in biekpui a nuoma, vawisun hin ITLF hotuhai Delhi tieng pan dingin an souk dawk anih. Delhi khawpui ah ei political demand "Total Separation from Manipur" hi ei hotuha'n ngirpui a, nghet taka thang hung la dingin ei ditsakna lien tak ei inhlan anih.

Thu ei hriet danin July 07, 2023 hin Director Intelligence Bureau le inhmung an ta, July 8 hin Home Secretary le inhmu nawk an ta, chun July 9 hin union Home Minister le inhmu nawk dinga ti anih.

Hotuha'n ei demand le ei ngirhmun hai nasataka an van thlun theina dingin, mi tuel khawmin ei tawngtainaah hai lo hre seng ei tiu.

A tak am khel ti chu ei hriet naw a, hrietdan chun Prime Minister in August 15 Independence ni ngei ah iemanitak eini ta dingin khawvel hriet a pounng souk dinga hril anih.

ITLF tienga inthawkin Chairman Pagin Haokip, Secretary Muan Tombing le Thangzamang Hangsing, Ex- Officio ITLF hai Delhi tienga dingin an inthawk souk anih. An um naw sungin Letpu Haokip in Overall Co-ordinator nina chela ta, Hauneilal Vaiphei in Chairman Incharge chel bawk a ta, Chinkhup Tombing in Secretary incharge a chel ding anih.

ITLF in website thar a nei

Liemtah 3rd July 2023 ni khan ITLF Media Cell hmalakna in ITLF official website hawngin a um. Rev Dr. LH Jacky Simte in ITLF website thar hawngna a neia, Rev. Dr Lamboi in Pathien koumah website inhlanna anei anih.

ITLF website thar chu <http://itlfmediacell.com> ani a, hi website a hin ITLF Press Releases, Bulletin, Document pawimaw chi dang dang, video tamtak le thlalak hai sie anih. Meitei ha'n ITLF letterhead hmangin thukhel (Fake) Press Releases vawi iemanizat an thaw tah a, tuhin website a um ta leiin, ITLF website a si lo Press Release hai Fake ani ti a hung chieng ta ding anih. Mi tukhawmin ITLF website hi hlawkpui takin hmang tum seng ei tiu.

ITLF Women Wing le ITLF Planning department siem in a um

Hun iemanichen ITLF Women Wing sinthaw lova um ta chu, liemtah 30th June 2023 khan suhring nawkin a uma, tuhin pawimawna a um leiin ITLF planning department siem in a um bawk anih. ITLF Convenor dingin Mary Jone thlangin a uma, ITLF Planning & Rehabilitation Convenor dingin Kham Guite thlangin a um bawk anih.

Tu hin ITLF hnouiah Department um hai chu Finance Department, Relief & Medical department, United Tribal Volunteer, Legal Cell, Media Cell,

Women Wing, Student Wing, Steering Committee le Planning & Rehabilitation department hai an nih.

David Thiek lu tantu hriet anih tah

Liemtah 02 July 2023 in Meitei han Langza khuo in 28 a rawh a, hi hunah village volunteer David Thiek a lu tan pek niin a taksa an chan nawiin an raw hlum anih. Social Media ah David Hmar a lu tan bawng chawi lai lim an tardawka inthawkin suizui peiin David Thiek Hmar a lu tantu hi hrietsouk ani ta anih. Ama hi Mairembam Romesh Mangang S/O Achouba Singh Ithai Barrage ni a hriet anih. Chun amahi Kumbi MLA Sh. Sanasam Premchandra Singh PRO a thang nia hriet a ni bawka, Manipur Govt le Meira Paibis hai leh nasataka thangkawma Kuki-Zo hai that chimitna dinga thangla anih.

School kai ala remchang nawh

Directorate of Education School Manipur order thusouk dated 03 July 2023 dungzuin 5th July 2023 a inthawka School Class I – VIII tan ding ti nisien khawm ei ram bouina'n that tieng a la pan naw leiin, ei ramah School la hawng lo hri anih. Liemtah 1st July 2023 in United Tribal Volunteers, ITLF in ral ala mounng nawdan thusouk siemin school la hawng lo phawt dinga ti anih. Nitin deu thawin ei ramri ah inkaptuona a um zing ani leiin mi tukhawm vartaka um dingin inhriettirna a siem ta anih.

— ZALENNA DINGIN INPUMKHATNA HI ANIH A PAWIMAW —

Thla hnihlai ei tribal movement ei fe pui taha, vawisun ni chena ei inpumkhatna hi a ropui hle a, ei thangkawm na le Pathien thanguina zarin ei hmelmah a'n an dit dan angin an mi la hne ban naw anih. Hmelmahai a sing a sangin hung hlak hai sien khawm ei la thlu naw a, Pathien inpakin um rawseh!.

Tun ei hmabaka ei political demand “ Total Separation from Manipur” ei hmu theina dingin ei inpumkhatna hi a pawimaw a, ei inpumkhat zing a tul anih. District dang dang a thingtlangmi Kuki-Zo nau hai lungril hmunkhat puta ei loungkhawma ei thangkawm chun ei hnenaw nasan ding a um nawh. Tuhin Lamka leh Pherzawl district ah ITLF in hma an laka, Kangpokpi district ah Committee on Tribal Unity (COTU) in , Chandel ah Kuki Chief Association (KCA) le Tengenoupal ah Hill District Council (HTC) in hma an laka, lawm a um hle anih. Tuta ei hril Organizations tin le ei MLA 10 – hai le thangkawmin , ei SoO group hai le hma la khawmin , ei thil ngen khawm ei hmu ngei ei beisei takin ei thlier anih.

Hi lei hin mipui han ei hotuhai le hmalatu hai thlawp thiemin , ei in pumkhatna sukdetin, ei in lungroulnaw thil hai sie hmangin , tuta inthawkin a hrana ro inrelna ei nei theina dingin ei lungril le tha sengin thangkawm pei ei tiu. Meitei hai an thawka inlakhra ei nuom chun inpumkhatna chau naw chu lampui dang a um naw nih.

- ✓ Bouia inthawkin ITLF in Memorandum 15 a pek taha, Press Release 28 insuo ani ta bawka, Public Consultation Meeting 2 ko ani ta bawk anih.
- ✓ Joint Praise program vawisun 6th July ding ti nisien khawm hun remchang lem en zingin postpone phawt anih. Program hun ding inhrietirna hung siem ni nawk a tih.
- ✓ Lamka sunga protest or rally hai hi “wall of remembrance” hmang nuom hai in ITLF inhrietirna siem hmasak nisien thang a tih.
- ✓ Meitei in le lo hai an nawleh dawr hlao hai hi ITLF hrietpuina um lovin tukhawmin zawr an naw leh hnamdang inhlutir lo ding anih.
- ✓ Thina le hliemna touk hai, in le lo suksiet/ chanhai FIR la thaw lo ei um ani chun ITLF legal Cell inhrietir vat ding anih. Legal Cell hai hi Lamka govt college , Hiangtam Lamka a inhmupui zing thei an nih.
- ✓ Ei ralthoum nei hai le ei siemsouk hai ei lawmpui roul roul in Social Media ei pholang phat le ei hmelmah ta dinga thanglak theina ani leiin, tar daw/ Pholang lo ding anih.
- ✓ Tawngthei ti leiin Press le Media hai noumpawnga hohlimpui lo ding anih. Hril ding le ding lo thil um ani leiin, ei var a tul anih. Media khawm ral do na chikhat ani leiin var tum seng ei tiu.

UPDATE TILL 06 JULY 2023



109
CONFIRMED DEATHS



197
VILLAGES BURNED



7000+
HOUSES BURNED



359
CHURCHES BURNED



41425
DISPLACED PERSONS



204
RELIEF CAMPS

RELIEF SUPPORT

Office: Lamka Govt College, Hiangtam Lamka

Contacts:

Mangcha Thangzom – 8837368373 (Convenor)
V. Gouthianmuan - 9862086583 (Co-Convenor)

FINANCIAL SUPPORT

Office: Lamka Govt College, Hiangtam Lamka

ITLF Joint Bank Account:

Name: Henkhopao Haokip & N. Vialkhanthang
Account No: 41912626404
IFSC: SBIN0064016 | Bank: SBI Salbung Branch